

Te Heheuraa Api

E ITE IĀ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 8

-- ATETE 1956 --

MAT. 43

“Ua Pohehae O Saula Ia Davida”

(I Samuela 17-18)

Ua riro te npootiaraa o Davida i nia ia Golia, ei aito rahi i rotopu i te nunaa Iseraela. Inaha, ua faateniteni ihora te mau faehau ia'na no to'na aroraa i teie taata puai, o tei ore roa i tia i te hoê taata rii noa ia aro atu ia'na ra. E na roto hoi ia Davida, aita te hoê taata i taparahibia e Golia, area râ, te nuu o te Philiseti, ua haamou-roa-hia ia.

Ua afaihia ihora taua parau api nei no te manuïaraa o Iseraela i Ierusalema, o tei riro hoi ei oaoaraa na taua mau taata ra i Ierusalema. Ua manruuru atoa ihora ratou, no te mea, ua tia i te hoê o te nuu o Iseraela ia aro atu ia Golia, e ua to'na hoi tiaturi e tauturu mai te Atua ia'na i te tama'i-raa i teie taata rahi, o tei tama'i mai i te nuu o te Atua no na mahana ra e maha ahuru.

Inaha, ua faaite ihora te arii i to'na ra manruuru rahi ia Davida, na roto i te faataaraa ia'na ei faatere no te hoê pūpū rahi no taua nuu ra. I reira, ua iriti ihora Ionatana, te tamaiti a Saula i to'na ahu mai nia i to'na tapono e tuu atura i nia ia Davida. E ua horoa atoa'tura oia i taua aito nei, i ta'na ra o'e, te fana, e te tatua hoi. Ua faahia roa ihora Ionatana ia Davida, e no reira, oto ihora oia ia Davida

mai to'na atoa ra aroha ia'na ihora. E ua riro hoi te reira, ei haamataraa no te hoa-mau-raa i rotopu i teie na tamaiti api nei.

I teie nei ra, i te otiraa o te haapurara-raa-hia e te haapohe-raa-hia o te nuu Philiseti, ua tia'tura i te nuu o Iseraela ia ho'i tiamâ atu i to ratou ra mau utuafare mai te peapea ore. Ua faarue ihora ratou i to ratou ra tiabapa, e haamata'tura i te ho'i i Ierusalema. E i to ratou hoi faafatataraa mai i to ratou ra oire rahi, na haere ana'e maira te mau vahine i rapae e farerei ia ratou, e na himene, na ori ana'e ihora i mua ia Saula. Ua afai atoa mai ratou i ta ratou ra mau upaupa no te faatai mai i mua i te Arii.

Area ra, eaha ia te auraa o ta ratou ra himene a ori ai ratou i mua i te nuu e i te arii? Ua haapapu maitai ihora Saula i te faaroora i taua himene nei. E himene api roa ta ratou i himene, area râ, ua riro te reira himene, ei inoino rahi e te riri hoi no taua arii ra. Te na ô maira te paraparau no taua himene ra: "Ua pohe ta Saula e na tausini, na hau ra i te tausini i ta Davida." E no te maoro hoi o te himeneraa, na maoro atoa ihora te riri o Saula. Ua parau ihora oia, "Ua faa-ahuru ratou i ta Davida tauasini; e ta'u ra o te tausani noa ana'e ia; eaha'tu â ia te toe, maori râ, o te basileia?"

E mea au hoi na Saula ia faatenitenihia oia, e mea fifi roa hoi ia'na ia ite atu i te hoê taata o tei rahi a'e to'na faateniteni-raa-hia i to'na ra. E mai taua mahana mai â, ua inoino noa Saula ia Davida. Ua ri'ari'a ato'atura oia i teie nei tamaiti tiai namoe, i te iritihia oia i nia i to'na ra terono. E no reira, no te ino rahi i roto i to'na mafatu, ua hinaaro ihora oia i te taparahi ia Davida.

E i te mahana i muri mai, ua tae maira te hoê varna ino ia Saula. E no reira, na pii-noa-hia o Davida e to'na ra mau taata ia faaoto i te upaupa, mai ta'na i faaoto i te matamua ra. Tera râ, te faaroo noa maira Saula i te himene

a Davida. E i to Saula hoi faaroo-noa-raa i te upaupa, te tapea noa ra oia i te hoê hoto i ta'na ra rima, e ua hi'o noa maira oia ia Davida ina te riri rahi i to'na ra aan, i te hanti-noa-raa i ta'na ra kinura. E ma te mana'o hoi, e hinaaro noa te mau taata no taua oire râ i te arue atu ia Davida, te hoê arii haehaa tiaï mamoe, ia Saula te hoê taata faahiahia roa, te arii o Iseraela. No reira, ua rahi roa'tu to'na ra riri, e aita'tura e nebenehe faahou ia'na ia tapea i te reira. Ua afai ihora oia i ta'na hoto i nia e taora atura i nia ia Davida, ma te mana'o e pohe Davida ia'na. Area râ, na ite Davida i te taora-raa-hia mai taua hoto ra, ua ape ihora oia i te hiti, e aore atura oia i puta.

E no te ore hoi oia i manuia i te taparahiraa ia Davida, ua haamata ihora oia i te ri'ari'a ia Davida. E aita'tura oia i farii ia'na ia haere faahou mai i nia i taua tahua ra. E no to'na râ hoi maitiraa ia Davida ei faatere no te hoê nuu rahi, no te haamaurururaa ia'na i to'na taparahiraa ia Golia, na iriti maira oia ia Davida, e tuu atura ei raatira no te hoê nuu iti. Tera râ, aita roa'tu Davida i haapeapea noa'tu i to'na mana'o, ua faaea maitai noa ihora oia, no te mea, tei pihaiho te Atua ia'na, e te here noa maira te mau taata ia'na.

Aita â hoi Davida i faaipoipohia i taua taime ra. E no reira, te vaira hoi ta Saula tamahine o Meraba to'na ra i'oa. No te reira, ua mana'o ihora oia, "Ahiri e horoa oia ia Meraba ei vahine na Davida, e nebenehe ia i teie nei tamahine ia riro ei marei ia Davida. ei reira paha ia te mau Philiseti e tia'i ia taparahi atu ia'na." E no reira, na horoa atura Saula ia Meraba ei vahine na Davida. Area râ, na patoi atura Davida, e ua na ô atura oia, e ora raa haehaa e te veve to'u ia riro van ei hunoa na te arii mai te au i te ture arii.

Noa'tu i te reira. na horoa noa'tura oia ia Meraba ei vahine na Davida, tera râ, te vai faahou atura te hoê o ta'.

na ra mau tamahine tei here maitai i taua aito nei, o Mikala to'na ra i'oa. Teie ra, ua hinaaro etaeta roa Saula i te horoa ia Meraba ei vahine na Davida, e no reira ua faataa ihora oia i te mahana faaipoiporaa. E tae a'era i taua mahana ra, ua horoa atura Davida i taua vahine nei na te hoê taata ê.

E no reira, i to Saula faaroora e, te here atoa ra Mikala raua Davida, ua afai atura oia i to'na ra mau tavini i taua tamaiti api nei ma te parau atu ia'na e, ua faatia mai nei te arii ia oe ia faaipoipo i ta'na ra tamahine. Area râ, ua parau faahou atura Davida, "E taata veve roa van ia faaipoipo atu i te tamahine a te arii." E e pen hoi te reira na te mau tane ia afai atu i te tao'a aroha na te utuafare no te tamahine faaipoipo, e no reira, ua mana'o ihora ra Davida aita hoê ana e tao'a faahiahia no te horoa'tu, e aita atoa hoi to'na e ahu no te hoê arii.

Ei taua taime ra, ua parau atura te mau tavini o te Arii ia Davida, ahiri e tia ia oe ia haere atu i rapae e taparahi hoê hanere Philiseti, e faariro ihoa te arii i taua ohipa ra ei tao'a na oe ia'na, e e horoa mai ihoa ia oia i ta'na tamahine here ia Mikala ei vahine na oe. I reira, ua haere ihora Davida i rapaeau i rotopu i te mau enemî o te arii, e taparahi atura ia ratou, e ere ana'e ra hoê hanere, e piti hanere ra o tana mau enemî ra.

E i to'na ra hoi ho'iraa mai, mai te tama'i mai, ua oaoa roa ihora oia, i te mea, ua tia'tura ia'na ia riro ei tane na Mikala. Ua afai atura oia i te parau no to'na ra manuiaraa i te arii, e tei horoa mai ia Mikala ia'na, e faaipoipo ihora raua. E no to Saula hoi iteraa i te ohieraa o to Davida taparahiraa i na Philiseti ra e piti hanere, ua rahi roa ihora to'na ri'ari'a i ta'na ra hunoa. Ua haapeapea noa Saula ia faarue te Varna o Atua ia Davida, tera râ ua upootia noa o Davida.

Papaiahia e Tahakura Hutihuti

LA BRANCHE FRANCAISE

Nous sommes très contents d'annoncer l'arrivée d'un nouveau missionnaire d'Amérique, l'Ancien Jacques Warren Roberts. Aussi, en accord avec l'autorisation de M. le Gouverneur des E.F.O. pour augmenter le chiffre des missionnaires ici, nous attendons avec hâte l'arrivée d'un autre missionnaire qui arrivera au début de Septembre.

Nous continuons à avoir nos réunions tous les dimanches matins à dix heures et demi dans le salon de la Mission Mormone et nous vous invitons tous à amener vos amis à ces réunions.

N'oubliez pas ces dates...les 4 et 5 Septembre car la Mission organisera encore cette année UNE GRANDE SOIREE MUSICALE au cinéma Bambou qui sera plus grande et mieux que celle de l'année dernière. Les "Barcarolles" se composant d'une soixantaine de voix préparent soigneusement des morceaux musicaux choisis...c'est-à-dire, des arrangements américains, français, et tahitiens. Vous qui êtes amateurs de musique...venez tous nombreux, vous ne le regretterez point.

La naissance de notre nouveau mouvement de jeunesse, les SCOUTS - S.D.J. DE FRANCE, a été célébré le 24 juillet par une cérémonie officielle, un dîner suivi par des jolies danses tahitiennes. Plusieurs officiels nous ont assistés ce soir-là, c'est à dire, M. l'Administrateur en Chef LABAYSSE représentant de M. le Gouverneur; M. le Chef du Cabinet et Mme. BAUDOUIN; des représentants des autres mouvements scouts; M. et Mme. Rudy BAMBRIDGE; et plusieurs autres personnes. Nous espérons dans la proche avenir que ce mouvement prendra de l'ampleur et que nous pourrons bien marcher main dans la main avec les autres troupes ici par l'intermédiaire du bureau du Scoutisme français.

Pendant nos discussions ces jours-ci de l'Evangile,

nous avons rencontré particulièrement des membres de l'Eglise catholique. Voici leurs questions courantes posées et nous répondons ceci :

I. Comment pouvez-vous prétendre être la véritable Eglise de Jésus-Christ, alors que l'Eglise Catholique romaine est la seule vraie Eglise sur la terre, puisqu'elle a été établie par Jésus-Christ lui-même quand il y vint?

Jésus-Christ n'a jamais établi l'Eglise Catholique romaine durant son ministère. Il établit l'Eglise qui porta son nom. Paroles du Christ: "Tu es Pierre et sur ce roc je bâtirai mon Eglise" (se rapportant au roc de la révélation dans la phrase précédente). La révélation, par conséquent, est la base fondamentale de la vraie Eglise de Jésus-Christ.

Peu de temps après son départ, l'Eglise s'en vint à s'éloigner des ordonnances simples et des enseignements du Maître, perdant par conséquent l'autorité d'agir en son nom et rendant une restauration nécessaire. Une interprétation rationnelle de l'écriture et de l'histoire confirme ce point de vue. Cette grande apostasie, aussi bien que la restauration aux derniers jours, sont prédites par les Ecritures. La véritable organisation, depuis longtemps perdue, les ordonnances et la Sainte Prêtrise ont été restaurées dans l'Eglise de Jésus-Christ des Saints des Derniers Jours. Le fait que l'Eglise catholique a si peu de choses communes avec l'organisation et les enseignements de l'Eglise originale du Christ, indique positivement que ce n'est pas la véritable Eglise.

II. Quelle est la différence essentielle entre votre Eglise et l'Eglise catholique?

La différence essentielle entre l'Eglise catholique et l'Eglise de Jésus-Christ (des Saints des Derniers Jours) est que la première proclame son autorité par la ligne directe

papes aux apôtres, ce que l'histoire même dénie, tandis que l'Eglise de Jésus-Christ proclame que cette autorité a été brisée par l'apostasie et rétablie par le prophète Joseph Smith à notre époque, par révélation divine de Dieu lui-même. Aujourd'hui notre Eglise est dirigée de même par révélation divine.

L'Eglise de Jésus-Christ est inconciliable avec l'organisation théocratique du clergé catholique, car elle pense que l'homme doit demeurer libre, soit d'apporter son concours pour faire une chose, soit de le refuser.

S'il faut aller plus loin, en aucune manière l'ordre ecclésiastique de l'Eglise catholique ne ressemble à l'organisation de l'Eglise de Christ et de ce fait les cérémonies modifiées aussi bien que les ordonnances manquent pour être valables du sceau de l'autorité divine.

3. Pourquoi ne baptisez-vous pas les enfants?

Le baptême est la preuve visible de l'obéissance et de la foi en Christ, en ses enseignements et de la repentance du péché. Seulement ceux qui sont en âge de pouvoir comprendre ce que cela signifie peuvent accepter un tel baptême. Pour cette raison, cette ordonnance ne saurait être administrée aux enfants qui sont d'ailleurs sans péchés. Christ a dit: "Laissez venir à moi les petits enfants, ne les en empêchez pas, car le Royaume de Dieu est pour ceux qui leur ressemblent." Et il les prit dans ses bras, il posa ses mains sur leurs têtes et il les bénit. En conformité de cela, les enfants sont bénis lors des premiers jours de la naissance dans la vraie Eglise de Jésus-Christ.

Le baptême des enfants n'est pas en accord avec les enseignements du Christ et de ses apôtres et il fut pratiqué seulement au troisième siècle après Jésus-Christ et sans motif pouvant le justifier.

4. Croyez-vous en la transubstantiation? Pour quel motif la niez-vous?

L'Ecriture sainte et l'histoire de l'Eglise indiquent que le sacrement de la Sainte-Cène a été institué en souvenir du sacrifice du Christ. Les emblèmes du sacrement symbolisant seulement sa chair meurtrie et son sang répandu.

D'autre part, la transubstantiation n'a pas été acceptée en tant que dogme par l'Eglise catholique qu'en 1215, par un édit du pape Innocent II. De plus, la croyance en la transubstantiation ne peut s'appuyer sur aucune autorité scripturale.

5. Comment pouvez-vous vous réclamer de l'autorité apostolique quand nous nous pouvons faire remonter l'autorité de l'Eglise catholique jusqu'à Saint Pierre, premier évêque de Rome?

Ce fait de proclamer que Saint Pierre est le premier évêque de Rome est une tradition très ancienne de l'Eglise catholique qui a fini par s'imposer. Elle prit corps au quatrième siècle, se renforça encore aux siècles suivants quand l'évêque de Rome acquit une suprématie sur tous les autres évêques de la chrétienté. Toutefois, les évêques de Jérusalem, Constantinople et Alexandrie, ne reconnurent la suprématie de Rome qu'après le cinquième siècle. En fait, cette tradition ne peut s'appuyer sur aucune base.

Pierre était un des douze apôtres du Christ et comme tel, ne pouvait nullement être descendu à l'évêché d'une ville, car comme apôtre, sa mission s'étendait sur toute la terre. De plus Jean, qui fut le dernier des apôtres lui survécut. L'autorité apostolique qui avait été perdue par suite de la corruption et de l'apostasie générale fut restaurée en 1829 par Pierre, Jacques et Jean, qui vinrent sur terre comme messagers de Dieu et conférèrent la sainte Prêtrise de Melchisédec sur Joseph Smith et Olivier Cowdery. Toute personne qui détient donc la Prêtrise dans notre Eglise peut la faire remonter en ligne ininterrompue jusqu'à Pierre, Jacques et Jean, apôtres de Jésus-Christ.

Préparée par l'Ancien Thomas Stone.

Te Mau Haapiiraa No Te Ava'e Atopa

TE PARAIMERE

IRAVA TAMAU AAU NA TE PARAIMERE:

“ E au mau here e, e aroha tatou ia tatou iho; no ô mai hoi te aroha i te Atua ra, e o tei aroha ra, ua faafanauhia ia e te Atua, e ua ite hoi oia i te Atua.”
(I Ioane 4:7)

Pupu 1 (I raro i te 4 o to ratou matahiti)

Hebedoma 1: Te taniui-noa-raa te tahi i te tahi

Hebedoma 2: Te tufaaraa. (I Arii 4:8-11)

Hebedoma 3: Te oaoaraa

Hebedoma 4: O Paulo raua o Sila. Ohipa 9:9-19
16:22-34

Pupu 2 (5-6 matahiti)

Hebedoma 1: Te maa maitai (Daniela 1:9-21)

Hebedoma 2: Te ûa (I Arii pene 16, e te pene 17
e te pene 18)

Hebedoma 3: Te mau Manu. (Te mau Aamu
hoho'a no te Ekalesia, api 21)

Hebedoma 4: E mahana faaarearea (Mareko
6:30-44; Ioane 6:1-14)

Pupu 3 (7-8 matahiti)

Hebedoma 1: Te parau mai nei te Atua na roto i
Ta'na mau Peropheta. (Te mau
Aamu hoho'a no te Ekalesia)

Hebedoma 2: Te Buka Fafau

Hebedoma 3: Te Oro'a a te Fatu (Mareko 14:12-
16; Ioane pene 13)

Hebedoma 4: O Iesu te Taata ite rahi i te faatia
Aamu Mataio 13:3-4; Luka 12:13-
21; e te irava 19:31; Luka 15:11-
31; Mareko 12:41-44)

Pupu 4 e te 5: "9-12 matahiti"

Hebedoma 1: Le Douzième Article de Foi

Hebedoma 2: Un jour avec les Scouts

Hebedoma 3: La Pretrise

Hebedoma 4: Les bénédictions de la Pretrise
Actes 8:15-20; Jean 14:26; Jean
16:13; Jacques 5:14-15

TE HAAPIIRAA SABATI

Te parau Haamana'oraa Oro'a.

*"Tei ia'u te tia-faahou-raa e te ora; o te faaroo mai ia'u
ra, pohe noa oia, e ora â ia."* Ioane 11:25

Pupu 1: "I raro i te ono o to ratou matahiti"

E amuihia te Amaa farani e te
Amaa ma'ohi i roto i te pupu hoê, e
na te orometua e aratai ia ratou.

Pupu 2: "6-9 matahiti"

Hebedoma 1: Samuela te Ati Lamana ra
Solomona pene 13 e tae roa'tu i te 16

Hebedoma 2: Te mahana Fanauraa matamua i te
Ao api ra. 3 Nephi pene 1

Hebedoma 3: To Iesu poheraa. 3 Nephi te pene
8, te 9 e te 10

Hebedoma 4: Te Taeraa mai o te Mesia. 3 Ne-
phi pene 11

Pupu 3: (10-12 matahiti)

Hebedoma 1: Rehoboama, te Maamaa

I Arii 11:1-13, irava 23-43; irava 12-24

Hebedoma 2: Ieroboama, te taata haavare

I Arii, pene 12 e tae noa'tu i te 14

Hebedoma 3: O Elia, te taata haehaa

I Arii 16:29-34, e te pene 17

Hebedoma 4: O Elia, te taata itoito

I Arii, pene 18

Pupu 4: (13-15 matahiti) No roto mai i te buka "Ta Iesu i Haapii"

Pupu 5 e te 6: (16-25 matahiti) No roto mai i te Hiroa Faaroo

Pupu 7: (Feia Paari) No roto mai i te Buka "Poe Tao'a Rahi"

TE MAU TUAHINE

E haapii te mau Tuahine i te parau no nia i te buka a Moromona mai te au i te haapiiraa i haaponohia'tu.

Te parau tumu na te mau tuahine no te Ava'e Atopa e te irava tamau aau atoa hoi.

"Inaha, e pupu oia ia'na iho ei taraehara, ia faatia i te titauraa a te ture i nia ia ratou atoa tei noaa te aau paru-paru e te oto; e ore e tia ia haapee i te titauraa a te ture i tei ore i noaa te reira. (II Nephi 2:7)

TE FEIA API

Te parau tai'o na te Feia Api: *"Aore hoi au i hauma i te Evanelia a te Mesia ra, no te mea o te mana ia o te Atua ia ora tei faaroo ra: Te Ati Iuda na e te Here-ni atoa hoi."* (Roma 1:16)

Pupu 1: (I raro i te 12 matahiti) Te mau Aamu no roto mai i te parau tuatapapa no te Ekalesia.

Pupu 2: (13-16 matahiti) Te haapiiraa Scouts

Pupu 3: (17-25 matahiti) Te haapiiraa no nia i te Buka a Moromona mai tei haponohia'tu ia outou.

Pupu 6: (Feia Paari) Haapii no nia i te PARAU TUATA-PAPARAA NO IOSEPHA SEMITA. (A haapii outou i te hoê pene i roto i te hebedoma hoê

Te haapiiraa na te mau haapii hahaere: Hiroa faaroo N° 13

“Te faaroo nei matou e, eiaha e haavare, eiaha hoi e taiata, ei aau maru râ, e te viivii ore e te hamani maitai raa'tu i te taata atoa e ia na ô tatou i te faaiteraa'tu te pee nei tatou i te a'oraa a Paulo: Te faaroo nei matou e te tia nei hoi i te mau mea i faaoromaihia e matou, e te hinaaro nei hoi matou e ia itoito matou i te faaoromai i te mau mea atoa ra, e mai te mea te vai atura te hoê mau mea tia ra, e te mau mea viivii ore ra, e te mau mea poupouhia ra, e te mau mea roo maitatai ra, e feruri maite a ia matou i te reira.

1. Mataio pene 5 e tae noa'tu i te 8
2. Galatia 5:18-26
3. Te mau irava parau api 228-237

TE MAU HAAPIIRAA NA TO TE AUTAHU'ARAA

Hebedoma 1: Te oro'a Bapetizoraa. Mareko 16: 15-16; Ohipa 2:37-39; Ioane 3:1-5 e te irava 9-10; Roma 6:3 tae noa'tu te 6.

Hebedoma 2: Te Tuuraa o te Rima No te Hororaa i te Varua Maitai Ohipa 8:5 tae noa'tu i te 20; Buka Fafau 35:6

Hebedoma 3: Te huru mau e te ohipa a te Varua Maitai. Ioane 14:15-17; Ioane 14:26; Ioane 16:8; Ohipa 1:8

Hebedoma 4: Te Varna o te Atua.

Joela 2:28,31; B.F. 84:44-46 B.F. 88:6-13
Moroni 7:16

Te Parau Apî No te Hopuraa Pârau. I Negonego

I te piti ahuru ma vanu no Matî ua tae atura matou, oia hoi, te mau taata hopu pârau no Hao, i Negonego nei no te avariraa pârau tei tuhia i teie nei matahiti. I roto i to matou nei pûpû te vai nei na tane e piti ahuru e ma maha, na vahine too maha e te hoê noa iho tamarîi, oia hoi, ia amuhia matou ua tae to matou rahiraa i te piti ahuru e ma vanu taata. I roto atoa i teie nei amuiraa taata ua tae atoa mai te hoê taata, o Tehoapu to'na ra i'oa, e e melo hoi oia no to tatou nei Ekalesia

Ia poipoi a'e, i te mahana pae, te piti ahuru ma iva, faaineine atura matou i ta matou mau tauihaa hopu e na hoe atu matou i te vahi hopuraa. I tana poipoi-ra, tutau atura o Tehoapu, e to'na ra taata tete i pihai iho i te hoê ofai rahi e haamata'tura oia i te hopu. I te toru paha o to'na hopuraa i raro ua tae oia i pihaiho i te hoê ofai rahi, e ua haamata oia i te imi haere i te pârau. Aita i maoro i to'na imi noaraa faaroo ihora oia i te hoê haruru i nia noa a'e ia'na, e hou a tia'i ia'na ia hi'o i nia, ua haruhia oia e te hoê ma'o. E no te puai o to'no haruraahia na faaohubia to'na tino i roto i te miti e aore atura i taa maitai ia'na te ati tei tupu i nia iho ia'na. Inaha râ, i to'na tîa-faahou-raa i nia, ite ihora oia i te ma'o i te haere-ê-raa'tu, e i te reira taime taa atura ia'na e, ua amuhia oia e te ma'o. Ua hi'o ihora oia i to'na rima atau, anê te ati rahi e, i raro noa'e i to'na ra êê ua motumotu roa te i'o e tae noa'tu i te mau uaua e ua ite-noa-hia te ivi no te rahi o te motu. Ua faaitoito noa o Tehoapu ia tae faahou oia i nia i te miti, e i to'na tae faahou-raa i nia ua matapoirihia oia no te rahiraa o te toto tei pau no roto atu ia'na ra. I te iteraa te tete o Tehoapu ia'na i roto i te miti tei faauteutehia e to'na ra toto, peapea roa a'era to'na mana'o. Area râ, ua rave vitiviti oia ia'na e ua huri maira i nia i te vaa. E ia oti te reira, rave ihora oia i te tauera e taamu ihora oia i te reira i nia a'e i te vahi i amuhia ra, e mau rii-ihora te toto.

I tau taime ra, mai te hora iva i te poipoi te hopu noa ra matou i te pârau. Ia ite râ matou i te reva ati tei taamuhia i nia i te tira o te vaa o

Tehoapu, faaea ihora matou i te hopu e tapapa tia'tura matou i to'na vaa. I to matou taeraa i pihaiho i te vaa o Tehoapu, ite atura matou ia'na i te tarava noa raa i nia i to'na ra vaa. Inaha, faaite maira oia ia matou e, ua haruhia oia e te hoê ma'o, e i to matou iteraa'tu i to'na rima atau, putapu roa a'era to matou mau aau e ua tahe te roimata o tetahi pae o matou no te rahi o te vahi o to'na rima tei pau i te ma'o. Area râ, o Tehoapu ra, ua faaoromai maite oia i to'na mana'o peapea e tae noa'tu i te mauui rahi.

I to matou tapaeraa'tu i uta, afaihia'tura o Tehoapu i roto i to'na ra fare e ua faatahinu ihora maua o Turuma ia'na mai te aniraa'tu i te Atua ia haamaitaibia teie taeae, e ia tapehia to'na toto, eiaha te reira ia tahe noa ra. Ua ani atoa'tu matou i te Atua ia paruruhia mai oia i te mau huru taero, ia ore te reira ia tupu i roto i to'na ma'i, e ia faaora roa oia ia Tehoapu.

E oti a'eraa oia i te faatahinuhia e matou, ua feruri ihora matou i roto i to matou mau mana'o, eaha ra te raau e tano maitai no te tuuraa i nia i taua vahi ma'i ra, no te mea hoi aita roa i navai te aihere tupu i nia i taua motu ra. E no te varavara o te mau raau maitai, aore matou i tae e e nahea te rapauraa i teie nei ma'i. Area ra parau maira o Kehauri e, a tamata na i te tapiri i te tihota uteute, e no te mea aita hoi ta matou e raau e atu, rave ihora matou i te tihota e ua tunhia te reira i nia i te mau vahi motumotu e ua puohu-maitai-hia te reira i te ahu. E i reira, ua tiai matou e maa taime rii ia ite e, e mau anei te toto i teie raau. Inaha, i to matou tatara-faahou-raa i te aahu ite atura matou e, na mau roa te toto e ua oaoa roa to matou mau aau no te reira.

I taua ahiahiira ua tahe rii te tihota no te mea ua puru i te toto, e no reira ua tuu-faahou-hia te tihota api e i te reira po ua taoto maitai oia e aita hoi to'na rima i mauui. Ia poipoi a'era ua tani-faahou-hia te tihota api e ua na reira noa matou i te rapaau i to'na rima no na mahana e toru e tae atura i te Sabati. E i reira ua horoia te ma'i i te pape mahana-hana ia mâ maitai e ua tuu-faahou-hia te tihota api. Mai te reira mahana e tae roa mai i teie nei mahana a papai atu ai au i teie nei parau, aita matou i tau i te raau, maori râ, ua tamau noa matou i te tuuraa i te tihota uteute.

Oia hoi, mai te mahana i amuhia'i o Tehoapu e tae roa mai i teie nei mahana, hoê ahuru ma ono ia mahana to matou rapaau-noa-raa to'na mau motumotu i te tihota uteute, e ua manuia roa teie raau. I nia i te vahi i amuhia, ua ora roa te mau motu rii nainai, e i raro a'e, te haere nei te motu rahi i te tuaatiraa. E mea maere mau e te faahiaha hoi teie raau e tihota. Area râ na ite matou e, na roto i te mana ana'e o te Atua i ora'i to Tehoapu rima. E te haamauruuru nei matou ia'na no to'na tautururaa ia matou e no to'na haamaramaramaraa mai ia matou i nia i te raveraa i teie nei ma'i.

Papaihia e Tu Menemene

puhi
"Sco
pûpû

Hau
rahi
M.,
Mmo
Scou

râ. U
roa,
ua ta
hi'op
taua
fare
e ua
tai-h
te m
tou.
hine
mau
arah
hoi
"Sc
hau

rato
e to
tait.
noa
â te

PARAU RII API

I te mahana piti i te ahiahi, 24 no Tiurai 1956, ua faatupuhia te hoê hi'opoaraa e te hoê tamaaraa rahi e te pûpû "Scouts S.D.J. no te haamana'oraa i te haamataraa o taua pûpû nei.

E no reira ua tairuru mai te tahi mau taata rahi no te Hau, oia hoi, M. e Mme LABAYSSE (te mono no te Tavana rahi); M. BAUDOUIN (te tahi mono no te Tavana Rahi); M., Mme. e Mlle. WAKSMOUTH (te Tomitera Mutoi); M. e Mme Rudy BAMBRIDGE; e te hoê taata no te tahi pupu Scout no Tahiti, oia hoi, M. John DOOM.

Auê hoi te nehenehe o te ohipa i faatupuhia i taua pô râ. Ua ahū hoi taua mau tamarii nei i to ratau ahū nehenehe roa, e ua porote atoa hoi ratou i mua i teie mau manihini, e ua tano maitai ta ratou mau haereraa avae. Ei muri a'e i te hi'opoaraahia no to ratou poroteraa, ua haere ana'e maira taua mau manihini e mataitai haere i te fare Orometua, te fare pureraa e tae roa'tu i te mau piha atoa i te missione nei; e ua oaoa roa hoi ratou no te reira. E ia oti to ratou mataitai-haere-raa, ua haere maira ratou e tamaa, e mea au roa hoi te mau maa tei faanahohia na ratou, e ua oaoa atoa hoi ratou. E ia oti te tamaaraa, ua faanaho atu te tahi mau tamahine apî i te tahi mau ori nehenehe roa na ratou, e no taua mau oriraa ra, ua tuuhia te tahi mau mori taa-ê-noa o tei faarahi atu i te unauna o teie nei mau tamahine. E o te reira hoi te pae hopea no te ohipa tei faaineinehia e teie nei pûpû "Scout", ei haamana'oraa na ratou i te faatiaraa-hia e te hau to ratou ra pûpû i teie nei pae au moana nei.

E no reira, ua faatae maira teie mau manihini i to ratou oaoa e te mauruuru i te faatupuraahia o teie nei pûpû e to ratou atoa hoi oaoa e te mauruuru i te mau mea tei mataitaihia e tei amuhia e ratou, e ua na ô maira, ia faaitoito noa â teie nei mau tamarii i teie ohipa maitai, e ia haere noa â teie pûpû i mua.

To Tatou Amuiraa Rahi

E haamatahia te Amuiraa mai te 1 no Tetepa e tae roa'tu i te 9 no Tetepa

-- 1956 --

PARAU TUMU NO TEIE NEI AMUIRAA: "TE TAHOERAA"

Mahana Maa: E haamatahia te hautiraa popo. (Basket)

(1 no Tetepa)

Sabati: I te poipoi-pureraa; I te pô-himene tarava

(2 no Tetepa)

Monire: I te hora 9:00 - E haamatahia te Amuiraa na roto i te papai-
(3 no Tetepa) raa i te io'a -- E ua faataatoahia te tahi mau hautiraa.

I te hora 4:00 - Hi'opoaraa rahi no te faaineineraa i te ohipa
no te Soiree io Bambou

I te hora 6:30 - Hautiraa popo. (Basket)

Mahana Piti: I te hora 10:00 - Pureraa na te mau feia faatere no te Pa-
(4 no Tetepa) raimere e te mau Orometua

I te hora 2:00 - Teataraa i roto i te piha no te mau Tuahine

I te hora 8:15 - Te Soiree Rahi i te Fare Teata Bambou

Mahana Toru: I te hora 7: i te poipoi -- "Pic-nic" na te Tamaarii.

(5 no Tetepa) I te hora 2:00 i te ahiahi -- Apooraa nate Peresicoria
e te mau Orometua no te mau Amaa atoa

I te hora 8:15 - i te pô -- Soiree faahou i'o Baubou

Mahana Maha: Te faaineineraa no te haapiiraa Hoho'a, Bazar, Motoraa
(6 no Tetepa) I te hora 4:00 i te ahiahi Haamataraa no te Bazar i raro i te
(Fare Hautiraa Popo)

I te hora 6:00 i te ahiahi - Haamataraa no te haapiiraa Hoho'a.

I te hora 8:00 i te pô - Haamataraa no te Motoraa,

Mahana Pae: TE TAMAA RAHI E TE "PICNIQUE". I te mahana taatoa.
(7 no Tetepa) I te hora 6:00 i te ahiahi, Te hautiraa hopea no te popo
(Basket).

Mahana Maa: I te hora 10:00 i te poipoi - Pureraa Amuiraa - Pupu hime-
ne na to Tubuai.

(8 no Tetepa) I hora 2:00 i te ahiahi Apooraa na te mau feia faatere e te
mau Orometua paatoa.

I hora 8:00 i te pô - "TE ORI RAA RAHI" Oriraa Pilu e te
Matie.

Tabati I te hora 9:00 i te poipoi - Pureraa na te Autatahu'raa.

(9 no Tetepa) I te hora 10:30 i te poipoi - Pureraa Amuiraa - Pupu himene
na to Raiatea.

I te hora 3:00 i te ahiahi - Pureraa Amuiraa - Pupu himene
na to Papeete.

I te hora 7:00 i te pô - Pureraa Amuiiaa na roto i te reo farani
Pupu himene na to Raiatea. *Haere Rahi mai,*

POU MOO Gérant et Imprimeur, Papeete, Tahiti.
